

姑蘇葛可久編
長樂陳脩園註

十藥神書註解

翻刻
必究

味根齋藏板

姑蘓葛可久先生精通方
術與丹溪朱彥修並名所
著十藥神書專治虛損雖
編中僅列十方而用藥之
次第逐式條陳吳航陳修

園謂其竒而不離於正誠
哉是言也顧前此流傳皆
爲厲本修園解組後始得
原書重加注解將刊附於
傷寒論金匱要畧之後而

未果乙卯歲萱慈舊書坊
中得式鈔本此今年矣
遍詢方家俱無是書萱不
敢私自秘藏曰並佔湯方
俚哥亟謀伯梓吹廣其傳

度不負先生
匡世壽人之
意云爾

咸豐歲次疆圉大荒
兀落季冬

後學林壽萱謹跋

此葉天士家藏秘書也前此流
傳皆為贋本余歸田後始得原
書重為訂注附於傷寒論金匱
要畧之後蓋以傷寒論金匱要
畧為萬古不易之準繩而此書

則奇以取勝也然奇而不離於
正故可取焉

閩長樂陳念祖識

吾吳天士葉先生。凡治吐血症。皆祖葛可久十藥神書。更叅以人之情性。病之淺深。隨宜應變。無過不及。治無不愈。然亦治之於初病之時。與夫病之未經深入者。若至五藏遍傳。雖盧扁亦莫可如何矣。家藏此書有年。幾獲脉望。故亟付梓。然書中僅列十方。世皆以方少忽之。不知十方中錯綜變化。有幾千百方。故復採周氏之說。使人粗曉葉是者。更察虛損二字。分自上而下。自下而上。自不致槩以六味開手矣。古吳瘦樵程永培識。

葛氏自叙

夫人之生。皆稟天地之氣而成形。宜乎保養真元。固守根本。則一病不生。四體輕健。若曰不養真元。不守根本。病即生矣。根本者。氣血精津也。予得先師之教。萬病無如癆症之難。蓋因人之壯年。血氣充聚。精液完足之際。不能守養。惟務酒色。豈分饑飽。日夜耽慾。無有休息。以致耗散精液。則嘔血吐痰。骨蒸煩熱。腎虛精竭。形羸頰紅。面白口乾。咽燥小便白濁。遺精盜汗。飲食難進。氣力全無。斯因火乘金位。重則半年而斃。輕則一載而傾。況

為醫者不究其源。不通其治。或大寒大熱之藥。妄投亂進。不能取效。殊不知大寒則愈虛。其中大熱則愈竭。其內所以世之醫者。無察其情。予師用藥治癆。如羿之射。無不中的。余以用藥次第。開列於後。用藥之法。逐一條陳。如嘔血咳嗽者。先服十灰散。揭住。如不住者。須以花蕊石散止之。大抵血熱則行。血冷則凝。見黑則止。此定理也。止血之後。患人必疏解其體。用獨參湯補之。令其熟睡。一覺。不要驚動。醒則病去六七矣。次服保真湯。止嗽甯肺。太平丸。潤肺扶痿。消化丸。下痰疏氣。保和湯。分

治血盛、痰盛、喘盛、熱盛、風盛、寒盛六事，加味治之。餘無
加法。又服藥法曰：三日前服保真湯，三日後服保和湯。
二藥相間服之為準。每日仍濃煎薄荷湯灌漱喉中，用
太平丸徐徐嚥下。次噙一丸，緩緩化下。至上床時候，如
此用之。夜則肺竅開，藥必流入肺竅。此訣最為切要。如
痰壅，却先用錫糖烱消化丸百丸吞下，又依前嚼太平
丸，令其仰臥而睡，嗽必止矣。如有餘嗽，可煮潤肺膏服
之，復其根本，完其真元。全愈之後，方合十珍丸服之。此
謂收功起身藥也。前藥如神之妙，如神之靈。雖岐扁再

世不過於此。吁。世之方脉用藥。不過草木金石。碌碌之
常耳。何以得此通神訣要。竒異之靈也。余蒙師授此書。
吳中治癆。何止千萬人哉。未嘗傳與一人。今衛世恐此
泯失。重次序一新。名曰十藥神書。留遺子孫。以廣其傳
矣。時至正乙酉一陽日。可久書於姑蘇養道丹房。
余自髫稚。學業醫道。攷究方脉。三十餘年。遍歷江湖。多
學廣博者。不過言語文字形容之耳。及至用藥治病。皆
不能捷。是以日夜苦心用志。務在中病後遇至人。同處
三月。斯人極明醫道。精通方術。用藥如發矢無不中的。

余曰。必神人也。遂拜為師。得授奇方一冊。閱之。或羣隊者。或三四味者。皆余目觀至人用效者也。使予如久旱逢霖。夜行得月。心中豁然。自此回至吳中。一用一搥。無不刻驗。信乎奇方。可鋟梓者也。余以三餘暇日。將至人所授奇方。併日用决效之法。類成一帙。名曰十藥神書。蓋用效者。輒記錄之。今西浙大癡道人。與余通家之好。用禮求授。故錄以奉養生濟人之功用爾。時至正戊子春正月三陽日。可久再書於姑蘓春先堂。

十藥神書註解目錄

姑蘇葛可久編

閩

長樂陳念祖修園註
東冶林壽萱潤甫韻

全卷

甲字十灰散

乙字花蓋石散

丙字獨參湯

丁字保和湯

戊字保真湯

己字太平丸

庚字沉香消化丸

辛字潤肺膏

壬字白鳳膏

癸字補髓丹

本草綱目卷之四十一 金

附平胃散方

四君子湯

十藥神書註解全卷

姑蘓葛可久編

閩 長樂陳念祖修 園註

東治林壽萱潤甫韻

甲字十灰散

治嘔血吐血咯血嗽血先用此藥止之

大蘄 小蘄 荷葉 扁栢葉 茅根 茜根

山梔 大黃 牡丹皮 櫻櫚皮 各等分

右各燒灰存性研極細末用紙包碗蓋於地上一夕出火毒用時先將白藕搗汁或蘿蔔汁磨京墨